

Javni poziv 17.01.0-N2.1-4082

Jednogodišnja obuka za omladinske lidere/ice Uči, Misli i Djeluj! Generacija 15

KO?

Institut za razvoj mladih KULT (u daljem tekstu Institut) raspisuje Javni poziv za učešće na jednogodišnjoj obuci za omladinske lidere/ice Uči, Misli i Djeluj!, Generacija 15.

ŠTA JE UMiD?

UMiD je jednogodišnja obuka koja je inkubator mladih lidera/ica aktivnih u demokratskom društvu. UMiD je obuka koja ti omogućava da postaneš aktivan lider/ica u svojoj lokalnoj zajednici i učestvuješ u rješavanju problema mladih, ali i da se pripremiš za vlastitu karijeru, stekneš nove vještine, upoznaš nove mlade ljude slične sebi, družiš i usavršavaš se.

KAKO?

UMiD se sastoji od sedam dvodnevni radionica i ljetne škole koje će obuhvatiti teme koje su tebi, kao mladoj osobi, neophodne da budeš aktivan član društva. Tokom obuke UMiD naučit ćeš kako da animiraš svoje vršnjake/inje da se i oni uključe u rješavanje problema mladih u zajednici, kako možeš uvjeriti donosiocje odluka i druge učesnike/ce u svojoj društvenoj zajednici da daju konkretnu podršku mladima, kako da se ponašaš jednog dana kad uploviš u poslovni svijet i mnogo drugih korisnih stvari.

Moduli u okviru obuke i planirani termini:

1. Timski rad i liderstvo 5-7.12.2019.
2. Građanski aktivizam i volontiranje 16-18.1.2020.
3. Politike prema mladima 6-8.2.2020.
4. Javno zagovaranje i lobiranje 12-14.3.2020.
5. Pisanje i provođenje projekata 23-25.4.2020.
6. Komunikacija i odnosi s medijima 4-6.6.2020.
7. Samoosnaživanje, ljudska prava i rješavanje konflikata 19-25.7.2020.
8. Traženje posla 3-5.9.2020.

Dajemo ti mogućnost da praktično primijeniš znanja stečena tokom obuke provođenjem lokalne građanske inicijative koja će riješiti postojeći problem ili zadovoljiti određenu potrebu u tvojoj lokalnoj zajednici. Lokalnu građansku inicijativu (LGI) smišljaš zajedno sa mladim ljudima iz svoje lokalne zajednice, a cjelokupan proces provođenja će savjetodavno i finansijski podržati Institut.

S tobom ćemo potpisati ugovor o pohađanju obuke.

Svi uspješni polaznici/e će nakon obuke dobiti certifikat, a Institut će pratiti tvoj aktivistički i poslovni razvoj i pružati ti podršku i nakon obuke.

KADA?

Radionice će se održavati jednom mjesečno, počevši od decembra 2019. g., i bit će organizirane tokom četvrtka, petka i subote. Tokom ljeta održat će se i ljetna škola. Termini navedeni u javnom pozivu nisu konačni, Institut zadržava pravo izmjene u terminima radionica, o čemu će odabrani polaznici/e biti pravovremeno obavješteni.

GDJE?

Naša druženja odvijat će se u [Obrazovno-raznodnom centru za mlade SPAJALICA](#) u Ilidži, a tokom obuke ćemo posjetiti i nekoliko drugih zanimljivih lokacija.

TROŠKOVI?

Ako ti ovaj poziv zvuči primamljivo, ali nisi siguran/na ko će to sve platiti, molimo te da se ne brineš za to! Institut za razvoj mladih KULT snosi troškove prijevoza, smještaja, hrane i materijala koje koristiš tokom obuke UMiD.

KO SE MOŽE PRIJAVITI?

- Mladi starosne dobi 18-25 godina
- sa prebivalištem u Bosni i Hercegovini
- koji imaju želju i volju da aktivno rade na rješavanju problema mladih i da se lično razvijaju

KAKO SE MOGU PRIJAVITI?

Ukoliko si zainteresiran/a za obuku UMiD, ispunjavaš navedene kriterije, želio/ljela bi se pokrenuti i biti dio Generacije 15, potrebno je da snimiš video koji će odgovoriti na pitanje „**Šta bih ja volio/ljela imati danas da ne bih otišao/la iz BiH sutra?**“

Video ne treba biti duži od 3 minute. Ukoliko smatraš da ćeš se bolje izraziti tekstom ili nekom drugom formom, budi slobodan/na to učiniti. Tekst ne treba biti duži od jednog lista A4 formata u fontu Verdana 10.

Za obuku se prijavi putem elektronskog prijavnog obrasca koji se nalazi na linku <http://mladi.org/myURL/umid15> u okviru kojeg ćeš nam dostaviti i svoj rad (video, tekst...) o zadanoj temi. U obrascu je potrebno da navedeš i dvije preporuke osoba ili organizacija (ime, prezime, poziciju i kontakt) koje bismo mogli kontaktirati.

Ako te zanima kakvo je bilo iskustvo na UMiD-u za druge, pogledaj video [OVDJE](#).

Dodatne informacije možeš dobiti i putem telefona 033 778 763 ili na email zorana.tovilovic@kultbih.org

Prijaviti se možeš do **18. novembra 2019.** godine do **23.59 sati**.